

ولكن احدا لم ينجده ، حتى باب الزنزانة ظل مغلقا عليه وعلى المعلم .
وهتف سيد في توسل :
- انا في عرضك يامعلم . وركله المعلم بقدمه ركلة اطاحت بسيد عند
الباب ، ثم هتف على الوحش الرابض عند الباب في الخارج .
- افتح للكلب دا خليه يمشى ..
عندما خرج سيد الحليوة وجد جموع المساجين وقد جذبتهم صرخاته ،
يقفون في حلقة في اخر الممر ، وعندما اقترب منهم سيد ، تصاعدت
ضحكاتهم وسخرياتهم في الجو .. وهتف مسجون عابث :
- صباحية مباركة ، يابخت صاحب النصيب .
وأسرع سيد مبتعدا ، وهبط السلم باقصى مايستطيع ، وعندما أصبح
في الفناء ، غاب في زحام المساجين .
ماتعس الزمن ، وما أفسى غدره ، لقد تبدلت احوال سيد بعد هذه
الحادثة فأصبح السجن غير السجن ، والناس غير الناس ، حتى عبده
الايض كشر عن انيابه ، وانقلب وحشا من الوحوش .
وقال عبده الابيض وهو يحاور سيد الحليوة ..
- ايه الحكاية والرواية .. ماتفهمنى ، عاوز تعيش شحات في السجن ،
واللى يسوى واللى مايسواش يدريك على قفاك . والا عاوز تأكل لقمة
نظيفة ، وتلبس هدمة نظيفة ، وتصرف قرش نظيف ، وأجاب سيد من
خلال الدموع التى انهمرت على خده .
- أنا عارف ان على ليك فلوس ، لكن أنا هادفعها ياعم عبده ..
- وهددفعها منين بقى ان شاء الله . أهلك بره ماشاء الله قوى . جهزات
كلهم ومستوظفين ، مش تحمد ربنا ان حظك كويس ، والراجل الطيب
خضير قلبه انفتح لك . طب ورينى واحد كده في السجن، مايتماش نظرة
رضا من خضير؟ وتمتم سيد في كلمات متقطعة ..
- أنا مش بتاع الحاجات دى ياعم عبده .
وقال عبده الابيض .
- انت حر ، عقلك في راسك تعرف خلاصك .. بس البدلة دى بقى
مش بتاعتك ، والعشرة جنيه اللى ادهالك المعلم خضير مش لك ، وانت
على كيفك ، مادام انت وش فقر ، خليك في الفقر! وانزوى سيد الحليوة
بعد ان تجرد من الهدوم والفلوس في الزنزانة .